




書名 東盛和債案報告十六卷
撰者 清 營口銀行 輯
卷 卷三
內容分類 史·政書·雜錄
索書號 大木·法類·獄訟·案牘·8
編號 B4014800

[彩色首頁1](#)
[彩色首頁2](#)

東洋文化研究所漢籍目錄 編號: B4014800

東洋文化研究所漢籍目錄所藏漢籍善本文影像資料庫 索書號: 大木·法類·獄
訟·案牘·8

漢籍善本文影像資料庫文本 東盛和債案報告十六卷

版權所有: 東京大學 東洋文化研究所

[使用上的注意事項](#)

光緒三十三年十月 日

右劉總行事務處委員候選道羅飴准此

度支部加劄委辦救濟營口市面事宜劄文
度支部爲劄飭事北檔房案呈據總銀行正監督張允言呈稱營口東盛和等字號
倒閉市面震動准東三省總督電商撥款救濟商定由部行籌撥銀兩帶同總行事
務處委員候選道羅飴等前往察看情形救濟並擬派委員羅飴會同該分行總辦
辦理救濟一切事宜等因前來查救濟營口市面事關重要應由本部加劄派委該
道羅飴會同該分行總辦王伊妥爲辦理至東盛和倒閉虧欠該分行銀兩及放出
各款應責成該行總辦王伊設法如數收回並令該員羅飴會同籌畫務期於本
行及營口市兩有裨益劄到即便遵照前往勿負委任切切特劄

道勝銀行贖產合同

致沈觀察函

正金銀行開送商會要求各條

營行開送商會轉交正金估見葉產價值單

營口正商務總會訂定東號債案辦理合同

正金銀行來函

覆正金銀行函附錄收單

商務總會來函

關道周觀察致商務總會函

覆商務總會函

東字各號欠道勝銀行款項清單

一東盛和羅卜來往帳項下共欠五十七萬一千六百三十八羅卜五角六分利息按每百羅卜週年核算十羅卜八角其利息算至西歷一千九百零七年十月十三日爲止再此來往帳係從本行西歷一千九百零六年二月二十一日在營口開市之日所立言定其欠款無論何時隨討隨還合併聲明

一東盛和裝船出口帳項下共欠十七萬二千四百七十二羅卜二角四分利息按每百羅卜週年核算八羅卜四角其利息算至西歷一千九百零七年十月十三日爲止此項因其豆糧被俄軍所用已向俄政府索取因價值多寡尚未核定故未支給但現在俄京議辦矣合併聲明

一東盛和寬城子匯票項下共欠十六萬羅卜

此項原由營口支取匯至寬城子交項共匯票兩紙每紙計羅卜八萬其一係西歷十月四日交票遲期三十天應至十一月六日付還至期並未交付其一係十

月三十日交票遲期三十天此票尙未到期

一東盛和以羅卜買匯上海申銀匯水差價項下共欠七千七百五十羅卜十月十四日該號原定以六萬九千羅卜買本行電匯申銀五萬兩其匯水係申銀每百兩作一百三十八羅卜期以四箇禮拜交款又十月三十日原定以十三萬三千七百五十羅卜買本行電匯申銀十萬兩其匯水係申銀每百兩作一百三十三羅卜七角五分期以一箇禮拜交款現因該號倒閉未能交款本行須將以上二項電申挽回匯水現價申銀每百兩值一百三十羅卜與原定匯水差價虧數一東生怡來往帳項下共欠十萬零八千九十二羅卜一角四分其利息按每百羅卜週年核算十羅卜零八角其利算至西歷一千九百零七年十月十三日爲止再此項來往帳係日俄交戰以前所立言定其欠款無論何時隨交隨收隨討隨還來往無定至有時並不虧欠者卽如本年八月十日所有此項欠款如數清還乃至十月八日復又支欠五萬七千九百十五羅卜餘者乃十月十一日支欠者

一東豐泰借貸項下貸本欠一萬五千羅卜

又此項欠三箇月未付貸利欠四百五十羅卜

此貸款係西歷一千九百零七年八月七日借使言定月利一分生息以三箇月爲期至十一月七日爲止至期本利並未交還

一東盛和現銀借貸項下共欠營平現銀二萬一千二百兩

此貸款原係二萬兩自西歷一千九百零七年借使言定月利一分生息以六箇月爲期至十一月十日爲止內有一千二百兩係到期未付之利

一又東盛和借貸項下欠營平現銀五萬兩

此項係一千九百零七年十月十一日借使言定月利九釐六毫行息以三箇月爲期至一千九百零八年正月十一日爲止所欠利息尙未核算

一東盛和現銀來往帳共欠營平現銀一萬八千零四十四兩零六分

此項原係自西歷一千九百零七年四月十二日立所有利息核至本年十月十

東盛和債案報告

三日爲止

一怡豐號代永豐東作保借貸項下欠現銀八千兩

又此項所欠三箇月未付貸利現銀約二百四十兩

此項原定每月一分生息該本年十二月四日到期再此貸款原係開戰以前借使疊因永豐東未能歸還至每次到期皆展推期限 再怡豐號乃葉亮卿所開設合併聲明

一買東和泰上海匯票至申短交共欠申銀 已付訖

此項係本行買東和泰在申交銀匯票二紙其一應交申銀二萬零九百兩本係十月二十一日定買其二係應交申銀一萬零五百二十五兩本係十月二十六日定買二共該申銀三萬一千四百二十五兩現本行據上海總行來電云該號只交申銀九千九百兩所有餘欠之項乃交有劃兌銀條數紙其銀條本月十九日至期能否支取現款尙未可定故此項實在所欠若干現時未能懸揣必須俟至到期上海來電方知實數然後再報合併聲明

東盛和抵還欠款花單

一青堆子東生怡油房並地基

二東生怡油房之房產及內中所有機器並棧房內所存之豆油豆餅五穀各糧

三東盛和所租給旗昌源油房之地基

四東盛和所租給正金銀行之地基房間

五青堆子東生怡油房東邊現三井洋行所用之地基

六青堆子東生怡油房西邊名曰怡昌堂之地基

七怡昌堂地基相毘連名曰怡豐之地基

八東盛和在廣東省城廣州府內所置之碼頭棧房二處

九青堆子牛莊地皮置業公司有東盛和股份二千股每股一百元

以上抵還欠款之生意鋪墊器皿貨物糧石房屋地基等項凡在所屬界內者均已先行聲明在案統祈妥加保護

俄領事覆關道沈觀察函

敬覆者接奉來函均悉壹是查東盛和倒閉之因亦出於不得已之勢既蒙貴道迭次籌商並與本領事暨本埠道勝銀行歷經磋商皆欲以議價取贖爲兩益之舉不意俄京總行竟欲收足十成致成束手貴道所云電商總行先定減收實數之若干再與商會集議籌辦等情本領事再四思維誠恐無效擬請貴道速飭商會盡力籌思妥定最大之償數若干今晚速覆以便電告總行從速議定而盡公益之熱心也爲此函覆貴道請煩查照並望便鴻返報爲幸專此佈達順頌時祉

營行致沈觀察函

敬肅者頃讀照覆俄領事照會文稿所有取贖道勝葉商押產一事既經由敝行擔任墊款敝行未曾將葉商押產糾葛查明以前未便遽行定期取贖昨日已將前情具函奉懇飭知商會理明函覆在案今日商會集議尙無頭緒並未函覆其中關繫甚大似此鉅款敝行未敢草率從事應請俟商會將各項糾葛理明函覆敝行之後如何辦理再行定期與俄領事道勝訂期可也專肅奉布敬請勛安



覆沈觀察函

敬肅者刻奉鈞函示及道勝銀行欲查葉商在敝行所押各件全數清單復經商會
總協理來行傳述尊意領悉一切茲已飭經理人遵照辦理將接管卷內葉商押券
各件錄單送呈台鑒惟不卜道勝是何命意誠恐另起交涉枝節橫生此單交去與
借款贖產兩事有無關礙尙祈斟酌是幸葉商押在道勝全數清單亦求囑道勝將
葉商押產鈔示一單爲荷專此肅覆敬請勛安



商務總會協理李序園由津來電
商會鑒道勝事仍照八十五萬回贖弟曲意贊成銀由滬交刻下羅卜價未議定弟
明早赴營在營議羅卜價轉知西義順春梗

This image shows a single sheet of white paper with horizontal ruling lines. The lines are evenly spaced and run across the width of the page. There is a double-line border at the top and bottom edges. The paper appears slightly aged or off-white.

沈觀察來函

今日與俄領事道勝行已訂定八十五萬羅卜無變局矣至應如何還法或上海或天津或營口或分次或統交望尊處徑與道勝商辦已代訂明日下午兩點餘鐘伊欲今日訂已面卻矣此請台安



致沈觀察函

敬肅者昨奉手諭委贖道勝葉商押產一事今日午後兩句鐘已派行中經理人前往道勝商量代贖葉商押產交款辦法惟據該行洋人云葉商押款中所有廣東房契尚在廣東須取回方能取贖餘無異議云云知關綺注特以奉聞茲懇將道勝去年呈案葉商押款合同細單飭鈔一份擲下以便按單取贖不至掛漏是爲叩禱專此奉懇敬請勛安

沈觀察覆函

敬覆者接誦來函具悉壹是查道勝所押葉商產業既有廣東房契須函粵取回現經函致俄領事轉飭該行迅速電粵寄來以便核明原押各產契據即可定期交款茲將道勝去年呈案之葉商押款合同細單照鈔送上敬祈按單詳核妥籌取贖爲禱專覆敬請台安




致沈觀察函

敬肅者查葉商抵押道勝銀行房地地基等件現既經商會與該行議定贖回價銀計八十五萬羅卜承囑由敝行墊款向贖以期東號債案早了仰見我公體恤商艱無微不至而商會總協理亦能仰體憲意任此鉅艱莫名感佩惟敝行既擔任墊款取贖之責受全營衆商之重託自宜處處腳踏實地辦理不得不詳細調查葉商所抵道勝各產有無糾葛方敢著手茲已派行中經協理細爲考察其中有應請飭商會先行理明然後取贖者數事今特條列於後伏乞裁酌示覆俾有把握幸甚禱甚專此奉懇敬請勛安

計開

一葉商租與正金銀行樓房地基所有租契現在何處租金每年若干有無租定年限葉商所該正金之款與此房有無關係阻力應請商會先行理明
一葉商青堆子油坊東頭三井所蓋倉庫地基老契雖押與道勝而地基售與日商



此項老契已同廢紙贖則虛糜鉅款不贖則牽掣全局究應如何辦理應請商會及各代表妥議函覆

一葉商租與旗昌基地房屋聞旗昌修理內有糾葛應請商會理明每年租金若干有無租契如贖回之後能否即行退租出售

一葉商租與旗昌源地基一處已經旗昌源造有房屋是否訂有年限限內能否退租出售每年能收租金若干有無租契合同現在何處應請商會查明

沈觀察來函

頃據道勝銀行來說欲變賣抵押葉產已告以照商律三十七條物如抵押多處者應由董事變賣均分伊意欲查貴行所押全數清單祈將貴行所押物產速鈔一單來明日商會總協理四點鐘約定親到道勝面商也此請台安



道勝銀行贖產合同

一葉商押在道勝行之財產物業共計值一百一十七萬羅卜今由營商公議以八十五萬羅卜取贖先由戶部銀行墊款所有原押各件及一切契據借約合同應由道勝行於此次訂立合同之後逐件開列清單定期點交戶部銀行收清嗣後葉商所押之財產物業概與道勝銀行無涉

一贖產之價既經議定交款之期應於三月初八日禮拜三起儘於下禮拜一即三月十三日下午三點鐘前全數交清在上海交所交羅卜按交兌之日上海羅卜買入之價每百照加一元找算所交之銀均交九八規元由上海戶部銀行徑交上海道勝銀行

所云羅卜加壹元乃是筆誤實除壹元此批

一營口東豐泰之貨廣東之碼頭應由道勝銀行一律交還

一域多利輪船從前道勝銀行誤認葉商抵押曾經上海公堂涉訟嗣經查明不在抵押之內該船現經上海拍賣價銀存在公堂應由道勝將前付過船上之工價

收條交與戶部行核明照數清還以後船價由戶部行收領與該行無涉仍由駐牛莊俄領事將情節照會營口道臺以便據情咨會上海俾清轉轄

一俄人所欠葉商豆價約值羅卜五萬由道勝行收回

此款歸道勝行收不在公款之內

一八十五萬羅卜交清後彼此接得上海電報務於即日由道勝行將所有歷次押存葉商房產貨物一切契據合同列明清單如數點交戶部銀行照收並照俄領事照會原單核對

一此次合同經戶部銀行與道勝銀行彼此商議兩無異詞商會潘總理與營口全體商人一律公認經營口道沈俄領事瓦允准簽字存案以後彼此無得異言特立合同為據

西歷一千九百零八年四月八號

光緒三十四年三月初八日

營口關道沈

重

戶部銀行

營口商務總會

協理

西幫票號代表人

衆銀爐代表人

油坊代表人

業主

道勝銀行

俄領事瓦



致沈觀察函

敬肅者敝行前日墊款八十五萬羅卜將葉亮卿押在道勝銀行產業契券贖出一併歸敝行收存昨已將款由滬行如數交清當向道勝將此項產業契券照單點收無誤查其中有營口及廣東地契九張謹卽摘由開具清摺懇請備存金案以清交割而備查考實爲公便專肅奉懇敬請勛安

計呈清摺一扣

一東生怡油坊地契三紙

此項地契係李俊一同姪李俊元李德興姪國堂有契與怡昌堂百契一十號

堂係李
蓋字慶
八元
百售
十與
號怡
昌

一怡昌棧碼頭地契一紙

此係李俊同子國寶全售與怡昌堂契尼蓋字八百七十二號

一廣東怡昌棧地契一紙

名此
涌係
口建
嘴業
入堂
敢何
頭次
東堂
至售
海興
逸和
西誠
至堂
倚地
德在
堂廣
糖東
基帶
南碼
至鐘
渡秀
頭鄉
南約
領埠
石海
礮邊
北土

至何
契尾
南山
布租
頭界
直實
字稅
三
十八
七畝
號七

一廣東怡昌棧地契一紙

內此土係怡三榮房糖實稅五畝二分另在稅東番二萬葵共五畝七分二釐

一怡豐木局地契一紙

此係寶聚堂同劉四毋蓋字八百十四號

一怡興源住房地契一紙

此係遠來洋行出租與怡昌堂契尾蓋字六百七十七號

一正金銀行住房地契一紙

此係陳薛氏同子章達孝達售與怡昌堂名下契尾蓋字九百七十七號

所有三井洋行地契一紙雖已取出業經公議作為廢紙無須備案故未鈔呈合併聲明

正金銀行開送商會要求各條

所存東字五號過鑪銀可承認用寶銀三成與衆一律公攤但須照左開之條件辦理

一所存在銀行之存款準其抵扣

二上海會票又金票要十成交足

三事定付現銀

四對於其餘各事宜令葉亮卿書立字據商務總會擔保

五葉姓並其各夥不認倒騙故事定之後可準其出獄復業

六宜令東生怡油坊接續開業後按餘利提出幾成以便償還全體債主

七商務總會宜擔保各項帳目一律清算無錯

[illegible]

營行開送商會轉交正金估見葉產價值單

牛家屯歡心店地契

五千兩

恆豐磚窰連地契

一萬二千兩

二官塘東沿地契

一萬兩

老爺閣南街地契

七千兩

二官塘南沿地契

一二萬兩

大坎子草地地契

三千兩

怡豐木局房屋

一萬五千兩

怡昌棧碼頭地契

十萬兩

怡興源地契

十二萬兩

正金所住地契

十萬兩

廣東大涌口地契貨倉

十五萬兩

牛莊置業公司股票	三千四百零五股	十三萬三千兩	每股作七十元
營口水道公司股票	三千四百零八股	一萬四千兩	每股作六元七錢
正隆銀行股票	五十五股	二千兩	每股三扣
粵漢鐵路股票	一千股	七萬兩	
德芳紙煙機器		一萬二千兩	
域多利輪船一艘		八千兩	除費
東生怡機器全套		七萬兩	
昌平德機器房屋		十萬兩	
小火輪一艘		七百兩	
蘇路股票	三股	一千兩	
官膏局股票浮存		一萬兩	
哈爾濱房屋一所	現在約估	七千兩	

東生怡怡昌棧怡豐木局地	二十七萬六千兩
香港榮新股	二千兩
香港德成股	二千兩
共計	一百十九萬零四百兩

營口

正商
金務
銀總
行會

訂定東號債案辦理合同

正商
金務
銀總
行會

議定之約章

東盛和五號債案訂定之宗旨

第一條正金銀行認允將東字五號所欠之過爐銀除抵淨欠銀十一萬一千一百三十四兩一錢四分此款歸入公債與衆一律公攤成數

第二條上海不付之匯票銀五千兩正十足交付以過爐銀作當天時價鈔票交付

第三條上海九八規銀原欠除扣抵淨欠一萬二千零五十五兩九錢六分以上上海銀交付作當天申銀化鈔票交照正金行市

第四條金票除扣抵淨欠二萬五千五百二十七元一角四分以在營正金銀行行市會東洋金票行市化作鈔票付款

第五條正金銀行代收東盛和麪粉水漬保險公司賠款經正金銀行收到鈔票銀一萬七千二百六十六元二角九分此款歸入公債攤派尙有未收之款託正金銀行承認當向該公司追收日後如有收妥此項保險賠款亦歸公債均分

案此項保險賠款本營行應得不能承認公攤後經商會爭歸營行獨得

第六條正金銀行現住之房宇一所認是戶部銀行產業租賃權由戶部銀行裁酌
第七條正金銀行自建有貯蓄銀庫二間另一間小屋等此乃他所自建日後搬遷
當與戶部銀行酌議

第八條正金銀行經允從照大眾一律公攤債款其未收足之數由葉亮卿書立字
據日後葉亮卿生財發達定然償還並由商會會同道憲廳憲批明如日後葉商
發達即照所立字據辦理可也

第九條議定之後商會清理帳目迅速將款交與正金銀行收領不得延遲

第十條議由今天互相議定東字五號債案彼此公認和平了結照以上所訂之章
程再無異言立此爲據

明治四十一年

光緒三十四年

正金銀行來函

戶部銀行羅總辦台電敝行現租住葉商東盛和房屋一所此房已歸貴行承受即
係貴行之產敝行必須言定房租已交到明治四十二年十二月三十一日俟至期
後再爲商酌爲此函請查照如蒙允許即乞將房租收單示復爲荷專此并候升安
正金銀行杉原泰雄頓首



覆正金銀行函

正金銀行杉原泰雄總辦大人台電頃奉手示領悉一切所有貴行現租敝行承受
葉商東盛和房屋一所敝行應收租金已收至明治四十二年十二月三十一日止
到期如貴行或接租或退租再行商酌茲將房租收單奉繳即請查照爲荷專此奉
復即頌升安

附錄收單

今收到

正金銀行應交房租至明治四十二年十二月三十一日租金如數收訖此照

光緒三十四年五月初十日

收條

[illegible]

商務總會來函

敬啟者昨接道憲函示爲英領函詢麥邊行領款事宜爲此將原函呈閱請速妥商辦理免生交涉是爲至禱肅此敬請升安

附呈道函

[illegible]



關道周觀察致商務總會函

敬啟者頃接英國領事函開東盛和債案有英商麥邊洋行會票一款前同商務會總理潘君在敝署面訂妥協允准發給現銀茲著敝署書記持會票赴商務會換領三聯憑單收訖及至持向戶部銀行領取現銀而該行不付僅付給爐銀龍元等項本領事相應函請貴道查照轉飭該銀行發給現銀勿任支吾照復是盼等因准此相應函達貴商會煩為查照希即轉商戶部銀行知照究竟此項款目前既允給現銀因何又付爐銀龍元其中有無別故務須從速聲復以憑轉知為荷泐頌台安



覆商務總會函

敬覆者頃奉台函並交閱道憲函示祇悉壹是英商麥邊洋行一款前日持三聯憑單向敝行領取現銀查此借款敝行早與貴總會及各商言明祇備爐銀龍元未備現銀所有各洋商款項因欲略占優先均由敝行格外通融照一千零三十五兩匯水代做上海規銀各洋商均已照此領訖並無異言茲麥邊洋行既不欲領取爐銀龍元敝行亦可照各洋款辦法按一千零卅五兩匯水代做上海規銀以昭一律敝行既任籌借鉅款之責豈有支吾不付之理至該行必欲領取現銀非特敝行未備抑亦與各洋款辦理兩歧則非敝行所敢照允也卽乞轉稟道憲照覆英領事查照爲荷專此佈覆敬請台安

附繳道憲原函一件

東盛和債案報告卷三終

東盛和債案報告卷四目錄

域多利輪船事

上海瑞和洋行拍賣域多利輪船告白

營行致關道沈觀察函

俄領事瓦照覆關道沈觀察文

致沈觀察函

營口商務總會來函

關道周觀察移商務總會文

覆商務總會函

關道周觀察致商務總會函

商務總會來函

覆商務總會函